

東臺縣志

第三冊

卷十

水利

卷十一


水利

卷十二

學校

Handwritten red ink notes or signatures, including the characters '卷十' and '水利'.

Kodak Color Control Patches



東臺縣志卷之十 考五

水利 上海 河渠 溪湖諸水

稽古匠人職司溝洫下邑沮洳衆水所積隄東隄

西疏濬是亟毋絕來源戒在壅隔毋窒去道防有

衝逆旱潦不虞維此盡力志水利

海

海 在縣治東百二十里自南迤邐北折環縣境十場

如玦形距范公隄遠近不等中十場志云遠者百里

近者七八十里惟柘茶較邇角斜則海在三里之外

今柘茶角斜距海二三十里丁溪草堰距海百三四

十里蓋潮汐挾沙來去坍漲靡常無定數也據地勢而言其南自富安李家堡迤東歷楸茶角斜之北遶出如皋境過豐利馬塘入掘港從此轉入通州界過廖角嘴爲江水入海之區其北由安豐迤邐而下歷下十場之東經鹽城阜寧過射陽湖爲河水入海之區十場地有盈縮故去海有遠近其濱海曲折環繞視爲界限者曰馬路諸場俱有之近年沙愈壅積海潮日退而東諸場之去海乃愈遠矣

河渠

又名玉帶河自串場河流入南門內分東西二支其東向也由嚴家橋至常平倉南繞西溪書院前折入學宮西狀元橋經泮池出東狀元橋至龍王廟後出外城河其西向也由玉帶橋至三元宮右復分二支一支由馬公橋北折而東經城隍廟前至日暉壩止一支由三里橋南小橋折而東合黃金壩之流仍入串場河其城隍廟前至日暉壩河久淤塞形家云若能疏通成玉帶之形則人文益啟矣

梓辛河 在縣治西自海道口北串場河表西經潘洋汶接興化縣界至興化縣城百二十里上承高郵各壩減下之水由南北澄子河興化縣得勝湖歸串場

河入丁溪小海等開歸海

蚌沿河 在縣治西自梓辛河匯河口九十里經凌亭閣西至高郵州百六十里上承高郵各壩減下之水由南北澄子等河興化旗杆蕩得勝湖歸串場河入丁溪小海等開歸海

按蚌沿梓辛二河固屬下游洩水之引徑尤爲一邑民田灌溉之要區乾隆十一年興挑分縣後年久淤墊嘉慶十九年奉

旨興挑蚌沿梓辛二河照業食佃力民辦工程之例領銀六萬四千二百九十九兩有奇按照通縣額征

地丁不計閏銀一萬九千七百六十七兩有奇分作八年十六限征解僉董經理畫分段落蚌沿河自武家灣起至匯河口止共計工長一萬三千七百五十五丈分工十段梓辛河與興邑分工自烏金塋許姓田頭起至杜家灣止計工長一千三百四十九丈又獨辦工程自杜家灣起至海道口止計工長二千六百八十丈分三大段口面廣八丈底寬五丈深五尺於十九年四月十五日開工六月初五日完工

運鹽河 在縣治西自海道口起迤西南由時堰鎮出

青蒲角經秦潼淤溪湖抵泰州百二十里又自秦潼  
西入思賢港一經喬樹抵邵伯鎮百八十里一出孔  
家涵由六閘抵郡城二百七十里上承上運河邵伯  
各壩減下之水由淥洋艾陵等湖經泰州小溪河入  
運河歸串場河出丁溪閘下古河海口入海乃各場  
運鹽秦壩之總匯兼利民田灌溉行水金鑑所謂下  
河是也泰州有南北運河西運河此北運河也嘉慶  
二十年夏興挑會大雨未果

串場河 衆水匯歸之河故曰串地繞鹽場東以范公  
堤爲埧故曰串場自泰州海安徐家壩起歷富安等

十一場至阜寧射陽湖出口爲泰州串場鹽河今

海安徐家壩西百子橋涵洞至富安場通遠橋五十

里北經安豐梁棗二場至縣城又五十里自縣城南

門經何梁場入海道口由丁溪草堰白駒劉莊伍莊

各場至鹽城縣百六十里自鹽城縣北由廟灣場至

阜寧縣百六十里上承下運河蚌沿梓辛車路白塗

二溝界河之水由丁溪小海草堰白駒青龍八竈六

三溝界河之水由丁溪小海草堰白駒青龍八竈六

三溝界河之水由丁溪小海草堰白駒青龍八竈六

三溝界河之水由丁溪小海草堰白駒青龍八竈六

湖南南岸入口歷鹽城  
縣至何菜橋北串場河

鹽志康熙二十八年正月

廬南巡閱視河工衆商呈濬串場河工爲費浩大

旨免商全挑祇照徐廷璽于成龍所題白丁溪場至白駒  
場三十七里仍令商挑 四十四年河道總督張鵬  
翻疏請挑浚伍祐場運鹽河西南通興化縣至泰州  
壩計一百四十里卽串場河也因場內兩岸民居稠  
密令開月河於西 四十六年發帑疏濬安豐場串  
場河卽官河也 雍正二年安豐場商等捐資濬治

串場河 乾隆三十年鹽政普福奏富安安豐等場  
有串場河一道爲運鹽要路而地勢較高河身窄小  
每易淤淺今僅存中閘一條舟楫難通亟宜乘此冬  
令水涸之時興工挑浚隨經督飭奉分司詹兆選委  
管泰壩候補同知程堂逐段探量水深尺寸約計需  
銀一萬數千餘兩飭運司趙之璧委員覆估興挑所  
需挑費查有場商侵漁竈戶鹽價現飭追繳充公應  
請卽於此內撥用奉

於三十一年二月完工統計富安安豐梁梁三場串  
河共用夫工銀一萬六千一百六十兩有奇

嘉慶十八年興挑北串場河自海道口起至草堰南  
界止計四千一百丈二十年興挑南串場河自富安  
通遠橋起至安豐南石橋止計長三千三百九十丈  
餘安豐梁梁東臺何梁四場已派工分段會五月大  
雨暫行停工及今未辦

泰州志云下河計水道有二其自新城殿折而東北  
者爲通場運鹽河經淤溪秦潼鎮西溪巡檢司以抵  
場下東漸於海鹽場萬艘自串場河裝運直達泰州  
西壩爲止前此鹽商動費金錢歲歲挑挖不爲無見  
蓋泰形前高後低故州治北有東西二壩所以界限

上下則十場轉運惟取給於淮流矣頃自牙橋閉塞  
則長淮斷隔別無支河可通惟寄命於下河如綫之  
帶水而已况此緩弱之水又一洩而盡數年以來則  
陸海揚塵運鹽通津且輪蹄相錯矣

十八里河 在縣治南十八里自梁梁串場河迤西至  
殷莊十八里又自殷莊至縣城南門十八里故名十  
八里河爲梁梁運鹽入運河之道嘉慶二十年興挑  
因雨停工

六十里河 卽三汊河又名大尖河在縣治南二十五  
里自安豐串場河之李家港迤西南六十里出青蒲

角由秦潼抵秦州爲富安安豐運鹽入運河之道嘉慶二十年興挑因雨停工

富安新河 卽海安新河一名東官河在縣東南四十  
三里自富安串場河通遠橋迤南由賁家集至海安  
鎮三十里內支河二道一抵徐家壩一通百子橋涵  
洞乃一縣來水之源爲串場運河之綱領乾隆十年  
興挑今久淤墊嘉慶十八年勘估各河此獨未挑以  
非鹽艘所經之地又非洩水之河故略而不講爾不  
知此河深通爲旱年瀦蓄根本引上運河之水使得  
源源而來可免水淺盤駁之患於商民均爲有益豈  
可忽哉

鹽法志乾隆十年三月通籌湖河蓄洩機宜修治海  
揚河道江南總督尹繼善等題准下河各工應將原  
奏議挑之高郵官河並蚌沿梓辛車路白塗海溝興  
鹽界河東西官河南北串場河范隄添建閘座金門  
及閘下歸海引河俱擬爲急修其運鹽河通州城河  
丁堰河以至任家港等處擬爲緩修而海溝車路等  
河及閘下歸海引河攸關洩水要道尤爲喫緊今勒  
限於四月內首先挑濬至串場河亦應急修但正值  
場鹽旺煎之時應俟本年冬末春初停煎之後併力

趨挑再各工內如關鹽運者興修之後於商人有益  
所有估需銀兩應先於鹽庫內動支照例責令商人  
分八年還項旋經次第興挑完竣內急挑之南北串  
場河秦潼河大尖河十八里河海安新河共用銀二  
十五萬三千九百七十五兩有奇續挑之江都泰州  
通州如皋四州縣境內運鹽各河并通分司屬之掛  
茶角斜等各場河及通州城河往家港江口共用銀  
二十三萬三千八百八十六兩有奇於乾隆十九年  
三月具報完工

小海閘下引河 在縣治北十八里自閘至沈家竈五

十里上承高郵州各壩減下之水經運鹽蚌沿梓辛  
串場河入閘歸古河口又係丁溪場運鹽出閘之要  
津嘉慶六年重濬

小海閘下引河 在縣治北十八里自閘至小海團五  
十里上承高郵各壩減下之水經蚌沿梓辛串場河  
入閘歸王家港海口嘉慶六年重濬

小海大使林正青引河論略曰輸賦載薪全藉龍河  
而小海向無河道寄於草堰往返倍行三十里民實  
病之明嘉靖間巡鹽使者洪公垣命運使鄭公濬等  
董厥事而新開河以成長二十九里民便之年久漕  
塞都御史泰州凌公儒始議建閘開濬民建祠祀之  
未幾復淤塞凡鹽草自團出者車載十八里至大東  
河登舟出草堰閘而米菜百物入團亦如之雍正六  
年奉

公理程公夢瑛相視河道前江蘇巡撫陳公時夏山東巡撫陳公世瑄為監修自南關至王家港計工一萬二千六百丈水程七十五里有奇於十二月興工七年六月告竣竈河始通今由南關行半里菴橋口左分一支通草堰用木椿釘塞二里為三里灣入里西柴河右分一支今淤塞五里黃牛梁河南屬小海北屬草堰五里東柴河右分一支為中窪港亦淤塞然大雨時積水不過三里非隘口也徐家舍陳家舍室廬相望入里楊新窪窪南三里為蕭家坳東南八里湯家舍又東行八里古窪頭有一港通草堰亦六年題請建壩堵塞以杜二場鹽梟交出之途然河終雖斷而草堰草船用牛扼挽而過壩既易壞船腹深無暗藏小海之隘口莫大於是右分支即上港通丁溪而唐家舍錯處其間七里小海圍出水關五里貓東港向係南五場運草之河自新河排港通智家港而此港遂淤十里萬盈墩右分支即智家港通丁溪前議設木關以杜丁溪私販添關夫二名巡查夫潮水激衝關易朽敗而關夫二人亦豈能制鹽梟不如就近移本處哨船一隻駐其口用兵巡查為上策也又北四里中營竈左分支一港通鴨兒港今

有壩又東行三十里王家港出大洋為洩水港門從前河水入海由鴨兒港出甌龍港遠而曲洩水紆緩今睿王家港直而近又設立營弁駐守巡洋規畫周密此小海關引河開濬始末也

草堰開下引河

在縣治北二十八里自關至西關五

十里上承高郵寶應各壩減下之水由興化車路白塗等水匯串場河入關歸甌龍港

鹽法志乾隆二十六年總督高晉奏下河各州縣境

內支河汊港及田閒積水向來俱匯入串場河北流二百餘里經鹽城境內之石磨天妃等關歸海道路紆迴驟難消涸民間雖挑溝築圩不足以資捍衛范公隄綿亘南北向建石關十八座每關均有引河專

爲洩水歸海之計現在石碓天妃閘引河寬深由新  
洋港歸海甚暢又興化境內之白駒青龍八竈大團  
等閘引河於二十二年經前副總河嵇璜奏准挑浚  
由歸龍港歸海其餘迤南之丁溪小海迤北之上岡  
草堰陳家冲等五閘緣彼時尙可通流列入緩工年  
來水漫沙停有竟成平陸者各閘亦常閉而不用現  
有王家港水深八九尺至一丈二三尺寬十四五丈  
又有射陽湖寬深更甚若將丁溪小海二閘引河疏  
浚深通順勢再開一引河匯入王家港歸海又將上  
岡草堰陳家冲三閘各引河疏浚深通順勢亦開一

引河匯入射陽湖歸海因勢利導俾散漫之水悉灣  
取直併力趨海則積水之區多一尺去路卽早涸一  
尺積滯奉

旨報可二十八年完工於運庫正欵內支銷銀八萬七千一  
百四十一兩有奇二十二年運司趙之璧詳准小海  
閘下引河爲泰州興化二屬及富安安豐梁粲東臺  
何梁丁溪六場諸河入海之尾間應行挑浚深通以  
利鹽運估需土方銀七千八百八十一兩有奇在各  
場商浮收鹽觔項下動支

古河口

卽滷河口在蘇洽北范隄東六十八里至海

十八里上洩丁...之水年久淤墊上游之水不能  
入海嘉慶七年...公起撥筋挑濬自戴家古淤  
起至小漢子止計長五里長二千七百丈小漢子以  
下至大洋三十餘里...往來難以挑濬詳照王家  
港之例添設混江龍二具拖刷淤沙歸海堰開官管  
理春秋二汛每汛赴運庫於淮南活支項下撥發僱  
募夫船銀九十九兩十八年奉

旨挑濬自洋岸竈起至小漢子止計工六千七百九十文

王家港 在縣治北范隄東一百七十五里上洩小海

止越二關之水嘉慶七年勘詳遵照題定章程設

船二隻混江龍二具每歲春秋二汛拖刷二次每次  
以十日為率屬東臺水利縣丞管理每汛於本邑地  
丁項下支銀六十六兩僱募人夫拖刷深通嘉慶十  
八年興挑自斗溝子起至小塢子止工長五千五十  
丈

關龍港 卽牛灣河在縣治北范隄東七十八里上洩

草堰正越二關暨大關八竈青龍一里墩北中諸關  
之水港形紆迴屈曲土人相傳牛龍互鬪而開故又  
名龍開港海口深通無事挑濬乃興化東臺第一洩  
水要道惟引河開口時需撈淺

以上除市河外皆邑內洩水運鹽河開嘉慶十七年勘估奏挑於十八十九二十年分別商民專辦次第興工已濬未濬者俱連類首列之

接嘉慶十六年冬前江藩司史公積容札委水利同知許會勘下河水利申覆甘泉縣境昭關壩下引河一道其水下注恒子淶洋等湖由泰州樊汊鎮匯歸凌亭閣分洩興化得勝車路梓辛及東臺蚌沿等河入串場河出丁溪小海等閘歸海又高郵州境五里中壩之水由引河直達甯澄子及總澄子幹河車邏之水由關帝廟下引河從泰興

港南注淶洋湖北折菱絲溝歸入總澄子河南關大壩新壩之水由新河支河北注萬緣巷東所運鹽官河以上四壩諸水俱匯歸海陵溪河入興化旗杆蕩匯串場河出范公隄各閘統歸於海凡下游淤淺之處均應興挑泰州東臺興化河旁附近均係民田舊設圩圍間有坍塌擬即將挑河之土加堆兩旁添築堤埝又串場河一帶開段淺淤固由引河不通亦因閘座場河交相淤墊以致壅滯所以場河以外高如釜邊場河以內卑如釜底如丁溪場閘外之鹽關古河口戴家古淤小汊子小

海關外之斗溝子王家港小塢子上岡關外廖家  
港青龍八竈大團關外之引河均淺澗不一今欲  
濬壩水經由之道俾循序下注而於關下不加挑  
深宣暢則內河雖濬而去路不通勢必倒漾冲突  
恐泰興東鹽仍虞澤國當經總督河督會奏議辦  
十七年冬

御史部尚書松筠戶部侍郎初公彭齡親詣會勘覆  
奏將下河歸海各道及民田隄埝分別挑築以通  
歸海之路而免淹浸之虞現在查估共需銀六十  
一萬三千餘兩內應照水利成例歸高寶興鹽東

五州縣民辦工程五十萬七千餘兩此內有十八  
萬五千餘兩可從緩興挑計急需興辦三十二萬  
一千餘兩又應歸各鹽場商辦工需八萬八千餘  
兩應歸河工官辦工程連年下河被水民力疲乏  
似應先行借款官爲辦理以工代賑一俟年豐卽  
爲攤征其商辦工程在范公隄各關之下卽係各  
場運鹽河道挑浚深通不但有益於地方實亦有  
益於鹽運奉

旨允行

附估挑河道節略

高郵秦州興化東臺下注之水皆入串場河分流各關及小關下邳陽湖入海若各關之支河深通原屬建瓴而下何致終年積水爲患實緣定例每逢三月卽將各關堵閉不使洩水以利鹽行至九月方許起除迨至伏秋盛漲關內之民田皆被浸淹一遇洪湖水大開放車邏南關兩壩水全下注該五州縣俱成澤國此數年來關內積水之原委也關外入海之各支港在昔未嘗不通無如自三月閉關之後旣無清水下注又兼夏秋海潮盛漲沙隨潮起淤塞口門及九月開關後清水下注其

勢已弱不能刷沙日久積高清水自無去路能不泛溢乎若再將串場河及上游各支汶較高之處復加挑深勢必至於倒漾倘大爲開通入海之渠不使三月閉關又恐有礙於運鹽故自黃河南徙以來凡治下河水利者不能不籌畫於商與民之間也

東臺縣在興化東南地勢東南高於西北承上游六關由孔徐各涵洞之水分入秦潼河下注一由斜豐港入蚌沿河並興化縣倒漾之水匯歸海道口經串場河出丁溪關入海此境內來水之原委

也其青蒲角河十八里河大尖河在縣西南引秦  
潼之水東注倒灌入富安安豐梁梁三場之串場  
河其富安新河在縣南引海安鎮西官河之  
水順流入富安之串場河專爲運鹽其流甚微二  
水之外別無來源仍由丁溪關入海此外亦更無  
分洩者

原册有誤今更正餘在  
泰州興化境者不錄

富安舊河 一名濶河古運鹽出上官河經此又名運  
鹽河在縣東南自富安西場由濫泥河至海安鎮中  
壩中十場志運鹽河從海安中壩堵塞上下河阻山  
濫泥河五十里至富安富安舊有東官河自海安牙

橋三十里至富安通遠橋明萬曆三十五年繼使康  
公不揚疏請挑濬建開直通上運河後天啟年如臬  
紳士李之椿惑於堪輿家言倡議築實又海安游民  
樂於過壩盤駁於中取利羣相附和至今遂成阻絕  
乾隆二十年海安貢生陳纘富安商人吳顯隆等呈  
請巡撫莊公有恭開壩建開旋以如臬紳士石立等  
阻撓立碑永禁

附海安陳纘牙橋壩源流說略曰海安鎮東徐家壩  
牙橋口內有富安新舊運河二道與上運河通河勢  
迴環繞鳳山之背爲本鎮去水歸東之流卽爲各鹽  
場及興化鹽城串場河來水之源漑田資運民竈之  
身命繫焉自元及明由來舊矣萬歷年間建青龍關  
三上關在牙橋中關在賁家集口石關現存下關

在富安場西之西場南對濫泥河口三關以時啟閉  
為上下河儲蓄通行要津富安安豐梁梁東臺何梁  
五場鹽艘暫經泰州過壩海安富戶田在上河近關者  
因下河水大上河水小遂於青龍關口私築小壩車  
水灌溉往來船隻畏不敢開而本鎮豪民王學乘便  
據此私收盤駁之資又思為永久計適有如皋紳士  
李大生名之棒者言吏部文選司感於形家言云此  
開係如鼻尾間宣洩不利且與五場商人有私隙思  
有以陰害之王學因通結大生賄囑鹽院崔呈秀藉  
以張士誠竊據安豐開河運私為詞開關築壩建呈  
秀生祠於壩側上設聖旨牌永不許開未幾奸黨敗  
崔祠亦毀

國朝初年大生以謀不軌伏誅富安新運河向年淤墊  
康熙四十七年會發帑金

命京口

將軍蔡毓茂督工挑濬雍正八年再發帑興挑乾隆  
十一年河臣檄委効力人員高璘如泰州牧王永謙  
富安安豐場大使與挑是新運河在我  
朝興挑三次其有益水利檔册昭彰矣二十年間續興  
富安場商吳顯隆等因頻年旱災竈民窮困上請

國課不無資生思復建開舊制不獨溉田利運且便於  
商旅之往來呈明撫憲莊公有恭檄委准場道親臨  
已准先置涵洞大有建開之機而如皋紳士石立等  
具呈撓阻有吳尙友者原任番禺令莊公番禺人也  
誤聽其言引張士誠開河運私作斷永不許開續竭  
盡心力毫無補於民生

國計第思壩不屬如皋管轄開本地之壩以救本地之  
田遂為騷擾鄰封罔顧功令此壩之不當復開也何  
例所載何案可稽若謂以此堵截私鹽豈私鹽祇出  
富安諸場而上十二場無之乎若謂上河蓄水利運  
可以省挑濬之費但上河稍有停蓄而下河立見枯  
竭上河挑濬之費未必真省下河挑濬之費必由此  
多顧此失彼果能兩得耶今鎮司訓寧國距此事已  
十年暇日述其顛末以俟後之問津者

楊冒河即楊蠻河 在縣治東南由富安串場河通遠

橋十八里至賁家集迤東屈曲如羊腸又十八里出

上運河入立發橋一名力乏此乃自縣治至拼茶角斜場

之水道年久淤墊乾涸時多上河大水始通而下河田已半沈矣地與泰州如皋分治中多私壩浮橋勒收往來船稅亦一害也

嘉慶十年邑人王子章等呈請濬楊冒河略曰泰屬十鹽場南至富安北至廟灣勢若建瓴水無停蓄所賴者富安南去三十里之海安鎮河隄上有徐家壩即古青龍閘及海安鎮東力乏橋內之楊冒河此兩處水道為東興泰鹽各邑江淮下注來源是以商籍離運民資灌溉三百餘里之串場河無旱涸之虞乾隆二十年開前撫憲莊易聞為壩堵閉不開閘下居民只得捐資就百子橋下建設涵洞以引一線清流達於鎮北之新河兼有楊冒河引水下注并達新河匯注富安以及各場雖來源勢緩迥不及置閘之利然上游貫串尚可通行鹽艘引灌民田無如楊冒河南屬如皋北屬泰州只附近新河出口數里屬東臺又河身高墊非十分大水兩岸兩邑之水皆堵蓄截流灌田以致涓滴不入新河是楊冒河之來源已

絕又百子涵洞歲久失修傾圮閉塞兼之新河淤墊無水下注是涵洞之來源又絕不但富安高地商民又困即凡在下游者無不十居九旱串場河道動成涸地矣某等於嘉慶八年曾具呈泰分司東臺縣請濬楊冒河修整涵洞接挑新河下注串場河業蒙飭商籌款公覆在案去秋水發未及舉行竊惟極澇一事疏消備早尤資引灌且西水之漲歲不為常而來源既絕頻見枯涸是澇之災猶少旱之災實多也此河乃漕漕命脈之所繫農固願心以効力商亦樂助以成功其功資經費既按引捐輸無需國帑楊冒河又循舊挑濬並非創建新開况河深有容遇澇能蓄漫溢無虞江淮之水由上引注則串場河水亦由上而下不但商民皆濟縱海潮浸灌不容停止將以甜遂鹹不啻以清刷黃之勢其裨益更有大焉再查楊冒河出口十里至新河內貢家集地方現有古青龍二道閘一座閘身全存未毀如遇水小之時恐其宜洩有礙上河仍可設以槽板相機啟閉以備蓄洩之用則上河亦無虞漏卮矣

雞爪河 在縣治西四十里上與運鹽河下與蚌沿梓

辛兩河相通爲東臺之緯河

西塘河卽西塘港 在縣治西六十里南北橫亘通梓  
辛河入興化得勝湖爲東臺之緯河

寧鄉河 在縣治西南六十里接泰州界北通唐港南  
至小紀亦爲東臺之緯河

塔墩河 在縣治東南七十里由東塘河流星港等處  
迤南至婁莊白米等鎮接泰州界

橫塘河 在縣治西南七十里由青蒲角南何家樓子  
至姜堰鎮三十里西出秦潼湖東入塔墩河與泰州

分界

江大河 在縣治南五十里迤南至曲塘接泰州界

以上諸河皆農戶按田合力挑浚

海道口河 在縣治西門外舊名海大口未築范公隄  
前之海口也今爲串場蚌沿梓辛河出入門戶

十字河 在縣治西九十里由蚌沿河至凌亭閣水分

四汊河東縣治河西接興化界南北河不通行西去

半里許水分三汊一支北向至興化縣城三十里一

支西南至高郵州城六十里一支東南入斜豐港至

泰州城九十里一支由斜豐港入孔家涵接江都界

楸茶河 在縣治東南九十八里自上運河力乏橋內

之新河口起由范家淺沿港口至楸茶場五十四里  
一由場西石橋南折出丁堰運河一由場東廟港經  
豐利汊河鎮出掘港運河四境地勢俱高河水泛溢  
皆由廟港下黃沙洋開口入海

角斜河 在縣治東南百三十四里由楸茶上運河灘  
河口北折十八里至富家灘再北五里卽角斜場舊  
地又北三里至范公堤老壩口

鹽法志角斜河通角斜楸茶二場五團運河五團者  
北盛北河北盛南河皆發源天鷲蕩南豐北河發源  
海洋南豐南河發源南新河新興河發源鱉魚港進

會於鹽倉

李家堡河 在縣治東南百十六里由楸茶上運河  
河口北折十八里至李家堡爲楸茶分撥運鹽要津

海河 在縣治范隄東各場竈戶辦煎運鹽之河東抵  
海濱西抵場垣支河汊港名目甚多總曰海河實與  
海隔各場界以上壩彼此亦不相通河底平淺每海  
潮泛漲開放范隄倒灌民田以致滋訟富安豐尤  
甚嘉慶五年農民具呈上白巡撫岳公起飭挑濬各  
場竈河緯河并改建東何海河內滾水石壩三座增  
挑梅家竈潘什竈支河由南向北入古河口王家港

歸海

中十場志竈河序民之命脈也在團則賴以淋曬在場則賴以裝運但地係沙土其性善走又形勢淺狹易致淤墊逾月不用河流立枯淋曬既艱裝運復苦駕以牛車勞費數倍明洪武二十九年東臺場老民林貴奏請開濬動支官帑酌定五年一濬工費減半俟後竈戶按引扣除公私兩便誠良法也萬歷中未經挑濬者三十餘年幾成平陸天啟五年分司徐允國請濬未果迄今數十年來竈民恒苦河涸

鹽法志康熙五年安豐場徽商鄭永成倡議預借

本一萬一千餘兩挑浚五倉沙河竈丁陸續扣鹽抵銷每逢早暎安豐獨享其利 十七年開濬河梁場

新河舊爲車兒埠口 四十七年徽商余維瞻等借

帑挑濬安豐場竈河 乾隆五年泰州分司顧茹

照康熙四十七年之例借項挑浚富豐梁東何五場

竈河令各竈於鹽價內扣還歸款 二十年鹽政普

福准運司盧見曾等會詳泰屬東河等南五場竈河

水無來源易盈易涸雨多卽溢及埽垣晴久便淺是

以建有各壩因時開堵以資節宣前因雨久竈河水

長水利同知恐倒灌民田諭商將石灰等壩加倍高

厚何梁場大使以有礙包垣具稟行據揚州府會同水利同知泰州分司勘覆嗣後循照舊例每年七八月大汛之期分司會東臺同知各場員查勘如竈河水勢將及包垣卽行開壩宣入串場河由丁谿等閘歸海水勢一平卽行堵閉以防倒灌非當盛漲場員不得遽行開放而水當盛漲該州亦不得勒令堵閉其地勢卑窪之包垣諭令各商將挑河積土於臨河築立子堰以資障護是年十二月鹽政普福奏奏屬富安安豐梁梁東臺何梁新興伍祐等七場運鹽竈河淤塞急需疏濬商人程可正等情愿借款興挑應請先於鹽庫借支銀十二萬二千餘兩委員及時挑辦仍飭該商等於乙亥丙子兩綱照數帶完歸款此外拊茶等場年例應修竈河亦令及時興工以濟附近貧民傭工餬口奉

旨報可旋經運司盧見曾詳委各場大使督同商竈興挑完工共用土方正價銀十二萬一千七百二十七兩有奇三十四年運司鄭大進等以東臺同知奉裁所有經管閘座水利事宜改歸揚糧通判管理但揚糧通判遠駐邵伯一遇竈河水勢漫溢事在呼吸勢難緩待詳請責令分司就近協同東臺縣縣丞馳驛辦

理仍移明揚糧通判經督河鹽政允行 嘉慶三年

富安安豐二場竈河淤淺商人捐資疏濬 六年東

臺士民具呈開壩洩水恐淹民田經巡撫岳起飭行

司道勘議范堤各壩毋許開放勒石示禁

碑文載  
開壩下

附各場竈河行道

富安場竈河分東西二道一東路竈河自場市轉

水墩至仲家河止四十五里接併茶場李家堡界

西路竈河自西鹽壩至許家河止四十里接安豐

揚界

安豐場竈河自場市迤東至沈家竈二十里爲總

匯由沈家竈迤東分一二三四五倉南五倉凡六

道一倉河四十里接梁梁場界二三四五倉河距

馬路各四十里由馬路至東陸路距海六十里南

五倉河尾四十里接富安場界

梁梁場竈河分南北中三道一南洋竈河自場市

至孫金竈尾三十里接安豐場界北洋竈河自場

市至馬路六十里由馬路迤東陸路距海六十里

中洋竈河自北岸竈河南岸東折至張家竈尾十

五里接東臺場界

東臺場竈河四一鹽關竈河自東鹽壩橋西起至

東臺縣志 卷之二 水利  
顧家鋤止六十三里有奇接梁梁場界一中沙河  
自曹呂鋤河尾起至六竈橋河口止十八里有奇  
一北沙河自姜家窪樂善菴田起至潘什竈河止  
十一里有奇一北中沙河自祝家窪廟東起至華  
家鋤太平墩止十二里有奇接何梁場界  
何梁場竈河自場市鹽壩起至中白竈止五十里  
分南北二支南一支至潘家鋤竈止二十里內又  
分一支爲南沙河至南蕩竈止二十五里接東臺  
場界北一支至川岸竈止三十里接丁溪場界  
丁溪場竈河卽開下引河

草堰場竈河卽開下引河

角斜場竈河無

楸茶場竈河無所屬李家堡竈河分北西二道北  
一道自李家堡包垣仲家壩至富安許坎關七里  
折至儲家沙竈尾十五里接富安場界西一道自  
許坎關至儲家洋竈尾十二里接富安場界又折  
至仲家洋竈尾十一里接富安場界

以上各竈河年久未濬現在岸卸沙埕河身淤墊  
而安豐尤甚嘉慶二十一年大使譚際時稟請興挑  
現奉委估飭商籌款若能於春冬水涸之時一例

東臺縣志 卷之十一  
浚通活萬竈之命厥則鹽數不致闕額功莫大焉

利莫大焉

溪湖諸水

雞雀湖

在縣治西六十里秦潼鎮西南

秦州志湖周三十里水自

於祈湖入昔多雞雀飛集故有此名

上受孔家涵入思賢港倒漾之水

經淤溪東瀦為湖入運河自楊公堤水嘴之後汪洋

瀾漫頗有風浪之險

仇湖

在縣治南四十里湖周三十里阮昇之記云昔

有仇姓居此故名又名白龍潭

今湖墾為田居民鱗次矣

西溪一名晏溪

在縣治西五里宋丞相晏殊宮此民

思其澤故名

施家溪倪家溪合名雙河

在縣治南五十里西接

泰州白米曲塘鎮後高田名曰上河

九龍港

在縣治西門外由慈濟寺西出碑亭入運河

李家港

在縣治南二十五里安豐場由串場河通大

尖河

鰍魚港

在縣治南二十三里由梁梁串場河入大尖

河

流星港

在縣治南二十里由大尖河入塔墩河

阿育池

在富安崇真觀前

殷家池 在梁梁西林禪寺前

開家池 在安豐梁梁之間水甘冽可飲

洗馬池 在縣治西門外慈濟寺後

飲馬池 在拼茶水甘其深莫測遇旱不竭相傳池中

有泉云

時雨塘 在縣治分司署後 今署中二堂榜曰時雨蒙此名也

蓮塘 在富安市河南

窪塘 在縣治西門外九龍港南

月塘 在安豐王心齋宅前所謂月塘灣即此

富家灘 在縣治南一百五十里舊名富家灘今角斜

場署及商垣移駐於此改名富家灘

取魚灘 在西溪鎮東俗傳有徐福山取魚於此後為

土神故名

車兒浦 在縣治西門外康熙十七年濬何梁場新河

舊為車兒埠口者此也高郵志載士民治下流入海

說何梁場自車兒埠口四十里至昏子河尚通舟楫

惟從朱家竈歷董家鍋頭至西川港奄地方三十里

下苦水洋係無水光沙俱宜挑濬今苦水洋塞車兒

埠口久為平地民居相比有鎮海寺尚存

雙龍潭 在角斜場界牌頭潭分南北水甘不涸相傳

下有蟄龍故名

湯家泊 在縣治西南廣四百餘畝深淺不同

天鵞蕩 在范隄東四十五里地為淤沙草蕩各場境

界連屬總名曰天鵞蕩

白蓮蕩 在何梁場范隄東

黃沙洋 在縣治南百九十里為耕茶場海口接如皋

界

周家洋 在縣治南一百六十里為角斜場海口今淤

唐家洋 在縣治東南八十里為富安場海口今淤

苦水洋 在縣治東北百五十里舊為宣洩雨水之海

其今淤

接錢沙 酒幌沙 犁頭沙 石頭沙 俱在縣治東

南耕茶場黃沙洋海口外與豐利掘港場相接海中

平淺處潮長則沒潮落則出俗呼曰坵名目甚多為

漁船插竹布網之所耕茶繆氏世其業額納麻膠稅

於如皋

按耕茶場舊屬如皋縣如皋既隸通州耕茶仍屬

泰州今乃分歸縣治其沙坵錢糧本納麻膠續改

折色如皋漁戶原編帶徵泰州河泊所麻膠銀九

十七兩有奇而耕茶業戶止完銀三兩有奇餘皆

掘港豐利業圻者完納是以統歸如皋縣帶徵

菜花漕 許家漕 俱在耕茶場

附各場漁船出入海港

東臺場拖魚港 何梁場王家港 安豐場木椿港

富安場川港 角斜場萬家港 耕茶場洋南港

以上各港額設採捕漁船九十五隻每年額徵漁

課銀一百十五兩六錢一分解納海關道庫

東臺縣志卷之十一 考五

水利 下 閘壩 堤圩 橋梁渡

閘壩

小洋口閘 在縣治南百九十里耕茶場黃沙洋頭總

界內乾隆四十二年邑人蔡羹等請建經鹽政寅奏

准至五十九年始建三孔石閘一座每孔各寬一丈

三尺令耕茶豐利兩場大使輪管旋為海潮衝圯議

者謂土性浮鬆實監其事者之未力也

附蔡羹請建小洋口閘呈略曰通屬之耕茶豐利掘

港三場廣袤二百餘里為泰東通如四州縣下河卑

窪地方而耕尤最窪眾水匯歸形同注釜其下游接

歸海之處自乾隆元年因海潮灌入此口遂築壩堵  
塞壩連范隄橫截尾間自此三場水無去路是年卽  
有盜決隄工之案嗣雖設有涵洞數處下板啟閉每  
遇雨水稍大卽漲溢出槽宣洩不及以至淹斃多人  
前通分司陳議添新涵四座改舊涵三座三十四年  
復被漫決四十一年洋決今年復決皆於六月捨堵  
至冬始竣夫三場田疇數萬頃民竈數萬家南阻於  
通州高阜不能上引歸江東北阻於范隄攔截不能  
下洩歸海當斯時也旣不能不決隄以開洩水之門  
及旣決矣伏汛秋汛又不得不堵口以爲禦潮之計  
最可憐者欲決之頃不決不可明決不敢鳩堵之時  
緩堵不得驟堵不能而且內水外潮患在同時交集  
斷難決堵兼施惟有置閘則提板卽可暢洩因水而  
盜決以除下板卽可捍禦外潮而搶堵不事一勞永  
逸較之添設涵洞  
其功效相去遠矣

三溪閘

在縣治北十八里明萬歷十一年巡按姚七

觀檄泰州知州李裕與小海閘同建舊係二孔乾隆

十二年改建五孔四磯心計石十一層高深一丈三  
尺二寸金門寬一丈六尺磯心各寬一丈二尺五寸  
五孔用板十槽相時啟閉東禦海潮西洩鮮沿梓辛  
河之水南洩富安豐串場河之水由閘入古河口  
歸海計一百八十里

小海正越閘二

在縣治北二十五里雍正七年泰州

知州儲世暄改建一高深一丈四尺四寸磯心寬一  
丈二尺一高深一丈四尺四寸磯心寬一丈二尺七  
寸均兩孔一磯心金門均寬一丈六尺用板四槽相  
時啟閉東禦海潮西洩興化車路河烏金蕩之水由

東臺縣志 卷之十一  
閘入王家港海口歸海計一百五十里

草堰正閘 在縣治北二十八里雍正七年泰州分司王兆麟改建兩孔一磯心計石十四層高深一丈四尺七寸金門各寬一丈六尺磯心寬一丈二尺五寸用板四槽相時啟閉東禦海潮西洩高郵興化湖河之水由閘入鬪龍港歸海計二百一十里

草堰越閘 在縣治葦子港乾隆十二年改建三孔兩磯心計石十一層高深一丈三尺二寸金門各寬一丈六尺磯心寬一丈二尺四寸用板六槽相時啟閉分洩草堰正閘異漲之水亦入鬪龍港歸海

按鹽法志海口洩水之處先因奸民有營種隄外草蕩爲稻田者不利開閘過水用土實填遂致有閘無板直待下河被水高阜盡沒然後開放康熙七年

命郎中木成格等履勘復遣大臣會同河漕撫臣相視悉啟

天妃石礎白駒諸閘申嚴其禁自此始收閘利  
三十八年建泰州河梁場草閘 雍正十三年巡鹽御史尹會一以白駒場南中北三閘日久傾頽泥沙停積鹽船起駁多累於巡費內動支銀九百兩重修乾隆元年兩江總督趙宏恩題准白駒場南中北三閘相隔寫遠令白駒場大使管理二閘安豐司巡檢

管理一闢石磴口一闢歸鹽城縣縣丞管理小海草  
堰丁溪三闢各歸場大使管理廖家港草堰口二闢  
歸新興場大使管理又王家港新洋港二處海口每  
處應設犁船二隻混江龍二具每歲春秋二汛拖刷  
二次每次以十日爲率王家港責成泰州州同新洋  
港責成鹽城縣縣丞仍令東臺同知督令地方官公  
同實力拖刷 四年河道總督高斌等會奏鹽城天  
妃口無閘鹹水內灌高低皆不能收石閘宜早建  
又興化之白駒南中北三閘年久損壞均應修築三  
閘外之引河亦宜疏通部議覆准興修 五年吏部

覆准總辦江南水利大理寺卿汪隆等以新建之天  
妃閘白駒三閘上崗北草堰二閘距該場司均屬寫  
遠請於天妃石磴二閘設閘官一員上崗北草堰一  
閘各設閘官一員 二十一年總督尹繼善等奏准  
興化鹽城等處之天妃閘青龍閘及白駒南閘一切  
磯心閘牆均多損壞動支運庫銀兩委員勘估興修  
共用銀三萬四千六百五十七兩有奇 二十六年  
六月工部議覆總督高晉疏稱劉莊場青龍八竈二  
閘逼近場署原係場員兼管至安豐司巡檢所管大  
團閘相距九十餘里難以遙制應請將大團閘歸併

劉莊場大使就近兼管而各閘員向隸河工者并聽鹽政衙門兼轄應如所請以專責成其各閘應需閘板繩索等項銀兩准於運庫正項銀款內動支仍責成東臺同知督率辦理嗣後凡有修理閘務事宜動用運庫錢糧准令淮揚河道會同兩淮運使轉飭確估核詳河鹽二臣會辦奉

旨允行

按丁溪小海草堰五閘初屬場大使兼理乾隆十四年總督黃廷桂奏准將鹽城縣上崗北草堰兩閘官裁汰改爲丁溪海堰閘官二

晉奏准裁丁溪閘官改設富安巡檢所有閘務併歸海堰閘官兼管丁溪閘原設閘夫四名改建五孔閘後添設十一名小海草堰正越四閘原設閘夫二十七名內裁十二名爲富安巡檢弓兵共計閘夫三十名每名每季給工食銀一兩五錢在地丁正項下支給四十七年督撫會議每年三月初一日埭土堵閉九月初一日開放不准逾期私啟立碑永遠遵又於嘉慶十一年革禁董事修換槽板誠爲良法但金門年久失修均多滲漏不能禦潮屢次請修未果是在專司水利者加之意也

青龍三閘 在富安西場濫泥河口明萬曆年間建中

閘在賁家集口上閘在海安徐家壩

西溪減水閘 久廢

秦潼減水閘 在元真觀右今為橋

唐家洋壩 東鹽壩 上下二副壩 西寺壩 西場

壩 以上 新竈壩 汨池壩 二丈壩 一丈壩

九孔滾水石壩 減水壩 以上 休寧壩 南草壩

鹽壩 北草壩 單家壩 三孔滾水石壩 減

水壩 以上 南三竈壩 東鹽壩 東門壩 老壩

小壩 日暉壩 以上 減水壩 老壩 金家菜

壩 以上 何梁

以上各壩俱在范公隄上嘉慶五年勒石永禁開  
放

附巡撫岳公永禁開放范隄各壩示略日前據准運  
司等具詳富安等場商人呈請開放東臺范隄等壩  
洩水當經查得范隄東係竈地西係民田高下既相  
懸殊豈可將鹽滷之水洩入民河且各場竈地近海  
本有河道可以疏濬宣洩何必繞道民河洩水致滋  
訟端嗣據泰州東臺縣泰分司會勘詳請於減水日  
暉等壩處所建立石樁高與包坦相平如大到樁頂  
仍照舊制暫行開壩惟查當日建隄之意原為禦水  
而設若又置壩洩水則何如不設此隄蓋無隄則有  
水即流其勢尚緩若隄水既滿及隄壩於之則洪流  
洶湧不論村廬田畝必受其殃總之竈地之水止可  
歸海不便歸田范隄之堰止可培高不便建壩又據  
縣民傅元宰等呈請嚴飭修隄速濬古河飭江藩司  
妥議嗣據呈東臺等五場挑濬竈河及改建滾水石

壩節略圖說甚屬明瞭惟查竈河積水有害稼穡斷不可與民河爭流隄東各場若將竈河勤加疏浚不使稍有淤淺卽遇雨水過大亦可直注歸海惟當將各壩一體堵塞不必專設石橋並將隄埝缺處所全行培高加厚一律鞏固使民竈兩不相涉庶可兩適其宜至竈河及各海口淤墊已久俱應設法挑濬深通隨時利導不致宣洩不及若竈河南高北窪慮水乾涸而又恐壩多水滯欲行分別去留改建亦屬調劑善後之法再據圖隄上有石橋數座與隄西民田相通似亦俱宜堵塞據到縣查覆沿隄何梁北關橋內有老壩間隔東臺三里橋曰暉橋內有老壩曰暉壩間隔梁架石橋有單家壩間隔安豐石橋內有汨池壩間隔各壩均已修築完整加高培厚竈河之水並不相通其安豐九孔平石橋梁架三孔平石橋橋孔低留一尺五寸至九寸五分俱在隄上洩水無多實與民河無礙且橋設有年從無潰溢毋庸堵閉合行勒石

永禁

歲家滾水石壩

孫家滾水石壩

俱在東臺場竈河內

中否滾

水石壩

在何梁場竈河內

以上三壩舊皆土築嘉慶六年易之以石上承富安安豐梁架各場南來之水下山丁溪入王家港

關龍港歸海

趙家壩 在丁溪閘下迤北

老壩 在角斜舊場北

黃金壩 在縣治南門外

西溪鎮壩 久廢

秦潼鎮壩 明成化間巡鹽御史楊澄建泰州隄復以

隄東接秦潼造木閘土壩各一壩以蓄水閘以洩水

今鎮西壩是

老鼠洞 卽老樹孔在縣治東南七十五里西接泰州南接如皋爲楊冒河流必經之地

越隄涵洞三 在嵇公隄下棋茶場大使姚德璘建

范家淺 在縣東南百六十里棋茶上運河接如皋界隄圩

范公隄 一名捍海堰當縣治東西之中綿亘各場隄之東屬竈隄之西屬民街市間閘多處其上隸縣境者計一百十里南接如皋北接興化鹽城

晏溪志唐大厯元年黠陟使李承任淮南節度判官

憂海潮漲漫田疇盡費乃自楚之鹽城入揚之海陵約亘百餘里築堰以捍海民獲奠居農事鹽課兩受其益宋開寶中知泰州事王文佑增修之後漸頽圯天聖元年范仲淹監西溪鹽倉條其工役程度白運使張綸酌量移堰稍近西溪以避海潮衝擊仍壘土以固其外延袤迤邐如坡形不與水爭雖有洪濤不能爲患綸陳其事請以仲淹任興化令二年遂興斯役起自海陵東新城至虎墩卽今小海越小淘浦卽今安豐以南直隆冬雨雪連旬潮勢洶湧兵夫在泥濘中死者二百餘人會朝廷遣使按視將罷之後命胡令儀爲

兩淮都轉運使以察可否令儀常宰海陵熟知其利害乃抗章奏請必成之時仲淹丁母憂去任猶遺書堅綸志綸自請兼知泰州以總其役自五年秋越六年春堰成長二萬五千六百九十六丈六尺計百四十三里趾厚三丈面三之一崇半之版築堅固磚磬周密潮不能侵自是流移復業者三千餘戶人呼爲范公隄以仲淹力贊之也徽宗宣和中水勢奔衝淹沒田地周三百餘里乾道七年海潮復衝擊二千餘丈蓋堰雖跨三州而在通楚界者少故泰之損者獨多知州徐子寅興工修治因議請置鹽場官分治其

境

場大使之設始此

淳熙元年諸司復料工役以知泰州事

張子正請也就舊基形勢修築其鹽場竈所又別爲隄岸以避潮汐而防廢壞

卽今馬路

二年冬張子正以修

繕勤勞喪於河口知州魏欽緒接任竟其工八年提舉趙伯昌奏請修葺紹定七年風潮逆猛又損四百餘丈逾年乃克修築用錢一萬六千緡米二千九百四十石其錢米則提舉司給皆辟於州郡然不能如天聖中鞏固矣元至正二十七年提舉朱冠卿以堰損於潮檄官同視復集兵夫節修五千餘丈迨詹士龍令興化請發九郡人夫並築十有六月而成時獲

一方石上刻逢詹再修景祐二年八月仲淹記十三  
字人多異之又新舊鹽法志明洪武二十三年潮發  
捍海堰壞死者三萬人朝命起蘇松淮揚四府人夫  
修築成化七年潮發死者二百餘人又命起淮揚二  
府人夫修築成化十三年巡鹽御史雍泰正德七年  
巡鹽御史劉繹嘉靖十九年海門令汪有執先後修  
築萬厯十年都御史凌雲翼題准修築建洩水涵洞  
水渠一十七座石閘一座十一年分司蔡文範十五  
年巡撫楊一魁四十二年巡鹽御史謝正蒙兵道熊  
尙文先後修築

國朝康熙間

重修雍正十一年

范公隄爲沿海藩籬鹽場保障急應修築

省魏勘修之十二年河督高斌奏准於楸茶角斜等處  
先後動支運庫銀三萬二百兩有奇陸續築固又是  
頂修開車道埠口每里設堡夫一名計程三百五十  
六里共設堡夫三百五十六名每月每名給工食銀  
五錢於運庫商捐項下支給卽募沿隄附近居民充  
當無庸建造堡房祇令其朝來暮返每日挑積土牛  
修補殘缺責成該地方河員查核乾隆五年大理寺

卿汪濬等疏角斜桁茶二場范隄殘缺加築格隄建  
設涵洞十一年增修二十二年還築開洩河河異漲  
缺口二十四年鹽政高恆奏明通泰二州范隄修築  
工程歸於鹽務分別緩急分年商捐辦理嘉慶四年  
富安安豐等場海潮倒灌巡撫岳公起飭范隄各壩  
加築堅固毋許開放十年河湖異漲十一十二十三  
年漕隄屢決照乾隆七年十八年例開隄宣洩積水  
後皆還築以防海溢

富安場范隄橫穿場中東自李家堡迤而西南至秦州  
界長一千八百丈隄外列潮墩十

安豐場范隄南北界於富安梁梁之中長三千一百五

十丈外列潮墩四

後因潮水爲患竈長矣  
九零告增今計十座

梁梁場范隄南接安豐北抵東臺長一千八百七十丈

外列潮墩二

東臺場范隄

卽縣治

自聚東門至梁梁三里菴長一千七

百四十丈有奇外列潮墩十七

何梁場范隄南自聚東門迤邐至九里墩丁溪場界長

一千四百四十丈外列潮墩二十三

丁溪場范隄南至何梁九里墩北至草堰界合小海而

計長二千三百餘丈外列潮墩十

草堰場范隄自丁溪北至劉莊合白駒而計共長五千一百四十餘丈外列潮墩十九

角斜場范隄東西皆連耕茶長三千四百九十丈有奇外列潮墩八

耕茶場范隄東南自黃沙洋起西北至角斜長五千六十丈有奇又嵇公隄長二百九十七丈又格隄橫鑲兩隄之中長二百九十丈有奇又李家堡隄自角斜至老鶴嘴富安界長二千一百餘丈又堵洋隄二十三丈在黃沙洋隄外列潮墩十六

中十場志運使陳暹議曰各場俱臨海邊潮水為患甚急未范文正公修築海隄民獲其利迨至於今海

漸遠於隄各場竈在隄內者少在隄外者多海濱一發人定受傷竈舍亦蕩後來議築望潮墩臺居民稍得趨避但各墩相去數里每墩復不容數人防急未廣應請於每年冬月停煎之後查照各場人丁多寡大約以十丁為一甲行令各場官吏督率竈丁每年一年築墩一座築完申司呈院查驗以課場官勤惰如此數十年之後墩臺接續漸積可以成隄而永無潮患乃百世之利目前之急務也

鹽法志乾隆十一年鹽政吉慶奏言亭場煎舍處所開有土墩而多寡有無或遠或近並不一律詢因煎舍離場寫遠大潮猝至奔走不及卽登墩避潮年深日久不加修築以致十墩九廢今通河商衆情願公捐工費修整增添以垂永久工竣後令各場大使造冊通詳仍不時查勘修補并造清冊咨部以備場員

交代時考核 又曰兩淮二十三鹽場大率濱海而遠近不同平險各異通屬之掘港呂四三面環海餘東餘西則北海南江泰屬之東臺東去爲丁美舍逼近海口均稱險要前明設官軍竈勇公營防守我朝武備精嚴狼山重鎮隨地汛防是以悉裁竈勇等營名目惟各場添設烟墩每墩置兵二名以時瞭望海上乃官辦也至潮墩則竈丁亭民自造以避潮患者然人力不齊海水變易而多寡興廢亦因之靡定焉

楊公隄 一名楊公堰自縣治西溪至泰州魚行莊亘百二十里爲運鹽河之捍堰

中十場志明成化七年御史楊澄巡視海上因運鹽河隄年深傾頽商鹽阻滯私販盛行兼之盜賊中途搶掠爲害最甚奉請築河隄一道合用椿木四萬三千價銀二千五百餘兩葦草七十餘萬束興工於十五年二月至四月隄成嗣後湮沒

國朝乾隆十八年泰州分司王又樸白於鹽政普公福疏准商捐修築尋被水圯二十三年鹽政高公恒重修又自青蒲角由大尖河至安豐場增修緯隄六十里更於秦潼等處增築南隄六十餘里建磚石橋梁多開涵洞以廣宣洩蒔葦植柳以禦風浪添設堡房

以司巡守法至良焉嘉慶十年淮黃異漲衝齧殘缺  
十一十二十三年異漲頻仍頽圯愈甚自青蒲角而  
東尚有餘址自秦潼而西隄址蕩然無存行旅皆以  
爲艱不獨鹽艘之難於輓運也

附王又樸移陳僉判公牘略竊某前署泰州分司任  
內審知秦屬十二場鹽必由秦潼淤溪以達秦壩此  
百餘里地面多係水泊并無繚路卽間有田間町疇  
可資牽挽者又多絕流斷港跋涉甚苦故凡舟楫往  
來惟候風揚帆風不便則皆用篙撐而已以致時日  
羈遲躑資多費更或遭險舟沉引鹽淹消累商重又  
捆載一至冬月水凍上下無路可通行旅裹足者至  
十數日公私病之乾隆七年前任陳君商同秦牧詳  
乞築隄并建橋梁以利運輓議者輒謂需金億萬計  
憚而中止及某至細審形勢似不至此乃偕此地有  
司再爲申請經委河弁議估又以水中築隄不能經  
久爲詞而上游亦令暫緩俟大工竣後再論該商

力舉行時蓋以湖河蓄洩機宜一案正開濬各海河  
故也顧功特難於創苟有其基則繼此易易耳某因  
於卸事後不卽赴濡自以已力私築二十丈卽今屹  
立可按也計所用丈三金有奇引而伸之合橋梁各  
項約可二萬金則前此二說可知其誕妄不經矣乃  
至今六載有餘卒無爲之者夫天下事果有利於物  
雖費逾鉅萬而義士仁人猶捐已資爲之不辭而僅  
止此又有成規可仿倣事苟成歲當減買舟費十之  
二節一歲之所有而用之卽足此後利益將永永無  
窮焉廣陵固多賢豪亦何憚而不爲耶且此固直指  
未竟之恩施也今改遷而猶未卽去其心殷然某雖  
卽開律以舊政必告之義已無可默况當日實親承  
風旨顧隱而弗宣委德意於草莽罪不綦重乎謹將  
確估尺丈并工價原摺移案惟執事圖之乾隆十六  
年十二月  
十七日

鹽法志乾隆十八年鹽政普福奏淮南各場由東臺  
至秦壩舟行一百二十里河面廣濶并無繚道重運

遲滯各商情願捐銀二萬兩修築長隄并各場通運支河繹路一律幫寬添設板橋以資利涉二十三年鹽政高恒重修之更於對岸築南隄六十餘里并設堡房堡夫專司巡守

嵇公隄 在縣治南耕茶范公隄 雍正十二年邑民周堯天等呈請總河嵇公會筠奏准築建自場東北小洋口起至場西北角斜界止長五千三百五十七丈形如半壁蓋耕茶去海甚邇海潮泛漲雖有范隄不能捍禦故築夾隄爲防後人德之呼爲嵇公隄又夾隄中築短隄一道曰格隄

十八里河新築總圩 在縣治南門外由東南至梁梁逕西出十八里河口繞北週圍五十四里計莊舍四十八區仿照海州通州等處按圩分濬溝渠取土築岸保障海潮西水之患其圍岸除運河舊隄修整加倍外新築岸土約面寬三丈底寬五丈高低皆隨地勢而成以足禦水爲度其夫工每畝捐錢三十文有力者出錢無力者准以工代公議董事經理閱五月工竣每遇春涸加修通圍溝口三十餘處相時啟閉毋許毀塌嘉慶十二年士民王子章等呈請通詳在

案

按甘泉縣志溝洫導水宜於深廣圩岸禦水利在高厚田既處窪下各隨村落人戶多少四面築圍使外水不得內侵遇淫雨積水於內又導之使出誠鄉田同井之善規也隨時培補工費不少每年由農戶自行按田起工

乾隆二十二年六月總督河道嵇璜奏爲敬籌湖河宣導機宜疏略再查下河各州縣小港支渠不可數計豈能普例興挑查康熙年間每歲令下河居民挑濬渠港著有成效應請責成地方官於農隙之時查明田間水道有湮塞淺隘之處傳集里

民按照地畝辦理佃戶出力業主給食逐年開挑挑出之土卽堆成圩岸以護田疇是在有司善爲督率則地方日有起色每年將所挑各河造報督撫稽考數年以後庶渠港通達旱潦有備誠不易之良法也

橋梁渡口

玉帶橋 在南門內乾隆年建嘉慶二十一年重修

嚴家橋 在南門內市河東

馬公橋 在西門內大街以分司馬公會造故名嘉慶九年邑人公修

日暉橋 在東門內

潘家橋 在東門內邑人潘庠建

望海橋 在東門外包垣南明嘉靖年建萬曆十四年

徽商金萬易作板橋其子陵繼修

三竈橋 在縣治南七里康熙十一年僧人明朗造

一竈橋 在縣治東范公隄上

三里橋 在西門外市街

霜華橋 在北門外嘉慶四年周昌普建

挹翠橋 在瓜場東嘉慶二十一年邑人祝大亮修

葦蕩橋 在何梁米市口元至正年建

廣濟橋

一在何梁瓜場側

一在西溪鎮形如八字

亦名八字橋

丁公橋 在西門外慈濟寺前

彭家橋 安樂橋 俱在何梁米市

便民橋 一在縣治西門外又名新橋順治初邑人孫

華宇建費以磚石 一在縣治南四十里新竈乾隆

五十三年修

北關橋 在何梁場市北范公隄上舟至撤板通之

東紅橋 在何梁竈河上乾隆五十八年邑人宣龍德

重修

西紅橋 在何梁竈河上與東紅橋對峙邑人呂宏遠  
倡修嘉慶十四年其子俊繼修

海道口橋 在縣治西海道口兩岸砌石如闢平架木  
板以為橋鹽艘至撤之而過

太平橋 一在縣治西門外 一在時堰鎮 一在秦

潼鎮嘉慶五年朱廷琛易以石

鳳昇橋

在西溪鎮

相傳天女與董永  
別乘鳳而去故名

通聖橋

在西溪鎮護國寺前俗呼廟橋

義鄉橋

在西溪鎮亦因董永名

博真橋

在西溪鎮北西通博真河

遺濟橋

在西溪鎮明正統年建

古二女橋

在西海團竈河上舊為二女捐建故名

慶十七年商竈公捐改建石橋

東洋橋

西洋橋 俱在何梁竈河

青墩石橋

在縣治西南青墩莊 武廟前

利濟橋

一在秦潼鎮乾隆三年李日升易以石 一

在何梁中昏河嘉慶八年常國鈞朱繡丁士英建

環翠橋

在梁梁夾河上一名躍龍橋竈民願蓋建

啟中其孫時化修順治年徐鳴謙重建

薛家橋

磚石橋 新橋 俱在市河上

轉水石橋 一名濟世橋明仲禧建順治十三年程藝  
初重建康熙五年方鴻達修嘉慶十二年邑人程兆  
楊修

東清橋 永康橋 新楊橋 俱在場東蓮河楊廸併

修

望海橋 苗家橋 韓家橋 俱在竈河上場人周樽

周自立仲禧周三孝次第建修

以上梁  
架場

盈寧橋 在安豐場南康熙十一年竈民朱應堯張

登捐修墊以磚石

王家橋 明王嘉令造順治二年王言絲修嘉慶

年公修

通倉橋 太平橋 大使張雄建康熙四年張永信

修嘉慶十九年公修

周家橋 明周自德建崇禎十年周鼎修

魯家橋 明魯繼塘建崇禎十一年魯一龍修

傅家橋 明傅本濂建康熙十一年傅允執修嘉慶二

十一年鹽商公修

吳家橋 明吳雲樓建順治十五年徐我遇重修今廢

西寺橋一名進寺橋 明吳一誠建順治十五年徐我

選修嘉慶十八年公修

高士橋 在吳家巷河西陋軒舊址前汪舟次太史題名

便民橋 在三倉壩西邑人賈錦建

古石梁即北石橋 在城水壩西明王嘉令倡建嘉慶

四年海潮衝圯商捐重修

吳嘉紀古石梁詩場北夕陽多石梁宜登涉行人戀景光去水無休息開冰魚逐草側生草垂色樵牧暮還家相逢半相識

三思橋 亭民沈道復建大使胡憲修 俱在市河上

永興橋 萬家橋 順治五年萬明修

廟橋 康熙五年張承信修嘉慶二十一年鹽商公修

東寺橋 康熙五年徽商鄭大成修

東盛橋 牛橋 賈家橋 下竈河橋 湯港橋 三

倉橋 俱在竈河上 以上安豐場

通遠橋一名廟橋 場民崔堯林易板為磚石乾隆二十八年邑人吳城修

新築橋 在場市街舊為板橋後墜以石

進賢橋一名磚橋 在場市街

上團橋 在場東商人張昇重修

南洋橋 在場東商人薛達修

北洋橋 在五竈薛達修

賁家橋 在場市中串場河內

便民橋 在便民倉東竈民崔佐建

九齡橋 西倉橋 中倉橋 東倉橋 俱在場市北

九竈橋 在范公隄上以上富安場

中正橋 在運鹽河上白衣菴後邑人繆佶建有記今

磚石圮易以木

通利橋 在場市中亦繆佶建續周雲門周奕耆重修

南橋 在場署前

紅橋 在佑聖寺前

龍王廟橋 在龍王廟前

通濟橋一名西橋 在壽聖寺前邑人王全孝修乾隆

三十三年李天造等易以石

福緣橋 在鹽港口福緣菴前邑人繆中倡建

潯陵鎮橋 野馬口橋 俱在潯陵鎮

龍津橋 王家橋 俱在場南乾隆八年竈民周昇高

等建

十里橋 在西運河內

沿港口橋 唐家洋橋 老鶴嘴橋 俱在竈河以上

場

大寧橋 在角斜舊場城隍廟左乾隆年修

市貨橋 在舊場城隍廟右

通便橋 康熙十年大使蔡樾同里人黃兆植等捐建

復興橋 在運鹽河上嘉慶二年修

普渡橋 在范隄外嘉慶四年圯里人湯玉澄重建

紅橋 九里橋 中橋 俱在富家灘河之南北以上角斜

場

大平石橋 在場市中

紅板橋 在義阡寺東

勝駕橋 在勝駕河崇禎十二年竈民馮天福修

永寧橋 一在勝駕河崇禎十二年竈民馮楊修

在小海團場民邵子正建

廣豐橋一名慶豐橋 在三賢祠前官河上竈民劉治

明修崇禎中楊宇重修尋圯場人楊大成募修乾隆  
年馮印重修

劉福家橋 在孟家環劉福造

木橋 在沈家竈

潤澤橋亦名觀橋 在小海團西萬厯年建後場人康

錫士重建

東寺橋亦名廟橋 在小海團東寺前以上丁溪場

龍門橋即臥龍橋 在場市河上相傳劉裕會避兵於

此

板橋 在西園龍王廟左

北橋 在場市中場人周瑄改建以石袁文耀又建修

永寧橋 在市河萬曆三十六年建今甃以石以上草堰場

南閘渡 在縣治北十八里舊有橋橋廢為渡

馬家渡 在縣治南百六十五里距角斜場五里

總論水利

靳文襄公輔下河形勢說曰淮以南揚以北用圍千  
百里澤國也運河貫其中東西一隄夾之西隄以西  
為上河澤之所鍾舊有汜光白馬璧社邵伯等十七

湖東隄以東為下河澤之所鍾舊有射陽廣洋雞雀  
淶洋淤溪等三十六湖上河西南接淶泗天長諸山  
危岡斷隴起伏相續地形為高水之所從發也下河  
東北與海為隣地形為卑水之所洩也兩河均受水  
患而下河尤烈何也上河西南受淶泗天長諸山溪  
之水東注之下河下河受之下河西受上河所注沿  
沿無窮之水東注之海而海不受非不受也海岸高  
而朝宗之路塞故昔人譬之釜底也然下河以東山  
陽則有廟灣鹽城則有天妃石碇興化則有丁溪白  
駒寶應則有滕隴喻口其他鹽場村鎮小渠不可悉

記皆所以通湖水之出海者也沿海一帶長隄起於廟灣蜿蜒三百餘里曰范公隄以障海潮之入河者也沿范隄之旁南北有河一道曰串場河淮南諸商運鹽之所往來也運河東隄中八十里曰平津堰明初設立三十三淺淺有淺夫使之不時撈浚運鹽之隄曰東河塘明初分爲十塘塘有塘夫使之隨時修築統計下河之地不下三十萬頃爲田者十之四爲湖者十之六當時隄工堅固疏浚得宜故水旱皆無慮也

周洽竹岡日記云淮揚運河東隄之東一片窪區南

北三百餘里東西二百餘里當二十年前河道未壞之時雖各閘壩涵洞所洩之水俱歸此一片窪區之內而自有千支百派之河溝爲之分洩迨清水潭等上屢次潰決淮黃交注大水漫淹者十有餘載水溜之所衝風浪之所擊泥沙停積河埂削平而河溝盡墊矣自今新舊各閘壩涵洞之水源源洩下而無通流之溝河爲之分洩其勢不得不由卑窪之地淹漫而東七州縣之被淹猶昔也

徐旭旦治河輯要說曰水從洪澤湖而至山陽寶應高郵邵伯等湖復由滾閘建甌而下達於下河下河

地勢東高西下洩水入海不過三場之開口而欲洩  
 二百四十里之水非迂緩半載則不能退然水勢從  
 北至鹽城新河趨朦朧由廟灣入射陽湖下海請將  
 寶應縣北首舊有減水涇河黃浦二閘改置滾壩引  
 水從射陽莊馬家蕩及青溝蝦鬚溝等河濬深入射  
 陽湖如釜底抽薪可洩上河湖內之水三分再請速  
 閉高郵南北邵伯各閘可救下河數百里之民田廬  
 舍也

宗觀海口說曰海口之說有三有未始不存未始不  
 開而究歸於無益者則富安以至劉莊各場之海口

有舊有二日今開其一而兼開之議不敵力阻之  
 議則鹽城之天妃石礎也有昔為百川之利今不止  
 一方之害而畏難莫發則東海故道雲梯關之口也  
 請試言之各場之有海口視運河之有開口也運河  
 二百六十餘里之隄承二十四湖之水僅賴涇河閘  
 以注海芒稻河以入江昔人知一綫之隄難恃也出  
 淮以至謝埭多設閘以洩之此洩之者安歸乎歸於  
 海而已維時海口之數一如開口之數有上流之洩  
 即有下流之歸所謂行所無事者也顧閘所以洩水  
 今以之壅水矣洩所以防潰今非潰不洩矣方湖之

漲入運河也監河者惟慮漕隄之潰也又慮閘久木腐洩未效而潰隨之也則堅閉之不知閉之益堅怒之益甚於是閘全而隄不全矣水或沒隄而行焉閘或開而不盡開未已沒矣雖自海口無用也瀕海之民擅灘外私田之利其啟閉亦如隄不盡沒民田不放也是存不若廢開猶未閉也鹽城二閘視子嬰河之雙閘也其達海至速若人圖近利而湮往蹟天妃口勢不可開矣然尙曰石礮之一口存也此猶得半之說也若夫治上流必治下流此易知也湖逼淮以敵黃淮挾黃以入海此易知也則未有望其入海之

迅而阻其入海之道者也今雲梯關是已以黃淮之洶湧澎湃天妃閘所洩幾何惟恃清口以下有寬然故道可行耳今黃之沙漲於南海之沙漲於北又防海之木碁置其閒沙緣木而壅木附沙而固雲梯二百餘里不谷而陵矣此當今之大患也及今不疏則歸仁治矣高堰治矣黃與淮之入海何繇乎決安東一日之計不得已之爲也安東賦稅縱不啻河工十

一而鹽河在焉淮北運道所必經勢不可棄也安東不可棄淮黃無所歸不歲歲衝決四出而不已此利害之至大易明者當事者猶躊躇顧慮而未之決則

何也

縣境東濱海北枕淮西阻泰壩南塞海安牙橋海漲則傷竈而其倒灌也兼病民淮溢則傷民而其歸洩也兼病竈此范隄之不可不固開壩之不可不修也古河口王家港爲淮流歸海之要津梓辛河蚌沿河爲淮流歸海之引徑而東邑所分泰州田畝又皆下河低窪之區水之來也宣洩稍遲則停蓄爲害而來多去少來易去難嘉慶十年後漕隄屢決汪洋數百里民幾爲魚此諺所謂未水先淹也此海口之不可不揚引河之不可不深也

夫西水不至海波晏然運鹽河有泰壩之阻串場河有牙橋之塞新河楊冒河又久經淤墊南無來水之源北多洩水之閘東南高而西北下惟資六閘入孔家涵二百里外之緩流及海安百子橋涵洞一綫之暗脈瀾洑之微易竭難繼平時不事蓄蓄一遇雨澤愆期商競趕運民亟漑田不旋踵而河底揚塵一縣赤地向之苦澇者俄轉而苦旱矣故分縣後告旱災者十常七八此諺所謂未旱先涸也此又運河串場河新河楊冒河之不可不挑濬深通也深通矣更能於草堰一里墩建設閘坐

東臺縣志卷之十一  
相時啟閉以固尾閘之洩導來源而防去委除水  
害而收水利歲賦出焉民命繫焉書曰非知之艱  
行之維艱是在關心民瘼者之次第經理而已

東臺縣志卷之十一 考六

學校

書院 社學

郡縣稱學肇漢元始川嶽鍾才胥興於此宏遠規  
模豐隆禋祀棟宇維新育爾多士文母掩行用先  
明體

聖治光昭菁莪蔚起志學校

學宮 在縣治東南五鋪乾隆四十一年知縣涂躍龍

建

先是分縣後越八年尚無學宮邑中舉人孫喬年  
歲貢錢青田季鐸夏浴范素廩膳生周泰來繆蓮  
舟楊鏞王子章附生練紹繆縉杜鳳翥職員徐德和  
崔之楓湯玉源監生吳秉義金墉施有融劉恒吉等  
呈請捐建儒學其略曰東邑濱處海隅分隸未久規  
模尚缺學校宜崇昔時雖建有社學數楹堂構不周

牆非數仞生等幸歌芹藻心儀鼓篋之衣冠忝附宮  
牆欲效園橋之觀聽惟是駿奔在廟未覩璧水櫺星  
釋奠隨班莫由禮門義路創建之議已歷有年都緣  
頻逢災歉聚沙之積難成茲幸屢慶豐亨集腋之謀  
可遂人皆同志情本樂輸敢云尅日程功正可乘時  
創始卜吉異方占宜離向佇看泮水從公士敦禮讓  
行見辟雍觀德民尚淳龐伏冀扶持文教培植海邦  
賜文申詳轉求憲允俾得鳩工庀材擇吉營作功垂  
金石重摹韓勅之碑名重鼎彝復續魯僖之頌知縣  
涂躍龍嘉其意詳請報可費白金萬餘兩越歲乃成

大成殿四楹

東西廡各十楹

戟門四楹

櫺星門

以石為之

泮池 在正南宮牆內方廣十步

宮牆 在泮池外正南迤北接櫺星門有門東西向左

曰金聲右曰玉振餘皆繚以周垣嘉慶十四年西南  
角牆圯知縣姚兆昌訓導許士模繕修

崇聖祠四楹

東西配殿各兩楹

土地祠 在崇聖祠東今圯遷主於訓導宅

名宦祠 在戟門外西向

鄉賢祠 在戟門外東向

儒學門四楹

明倫堂四楹

嘉慶二年知縣王逢源捐養廉銀倡建

前訓導吏部員外郎吳昌齡科目題名記曰科名之重豈不以其人哉進士貢士之名見於禮經三代時已然雖論秀書升與設科取士古今之制有殊顧德行所以規素履辭藝所以驗心聲處為良士者即出為良臣制不同而取士之義無不同也我國家重熙累洽野無遺賢鄉會則

恩科

與正科疊舉明經則士靡不彈冠相慶而况維揚人物之邦生其間者當何如奮勉以仰副朝廷之雅化乎東臺於乾隆三十三年分治弟子員額取十名在揚郡為小學然余自戊申司鐸茲邑見夫歌鹿鳴而舉於鄉者文武兩闈相繼不絕竊與邑之人慶氣運之蒸蒸日上也因舉分縣以前之膺是選者備諸舊志而列以題名分縣以後亦次第登焉後之人考其姓氏溯其生平某也為名卿某也為碩彥科名之不忝與否桑梓間不皆有定評乎我知鼓篋而游黌序必有觀之而勃然興者

嘉慶三年戊午十二月望日記

訓導宅 在明倫堂後別有門西向內外約三十餘楹

有門堂有齋有寢有庖湍之屬

其餘若尊經閣敬一堂樂器庫祭器庫各典制未備者皆議續建

康熙十四年

御書萬世師表雍正三年

御書生民未有乾隆五年

御書與天地參嘉慶六年

御書聖集大成皆敬謹摹刻額懸於大成殿

大成殿中祀

至聖先師孔子木主位正中南向東西四配復聖顏子述聖

子思子東配西向宗聖曾子亞聖孟子西配東向

東哲先賢 閔子損 冉子雍 端木子賜 仲子由

卜子商 有子若

西哲先賢 冉子耕 宰子子 冉子求 言子偃

顓孫子師 朱子喜

東廡從祀先賢 蘧瑗 澹臺滅明 原憲 南宮适

商瞿 漆雕開 司馬耕 梁鱣 冉孺 伯虔

冉季 漆雕徒父 漆雕哆 公西赤 任不齊

公良孺 公肩定 鄒單 罕父黑 榮旂 左人

郢 鄭國 原亢 廉潔 叔仲會 公西輿如

邾巽 陳亢 琴張 步叔乘 秦非 顏噲 顏

何 縣亶 樂正克 萬章 周敦頤 程顥 邵

雍

東廡從祀先儒 公羊高 伏勝 董仲舒 后蒼

杜子春 諸葛亮 王通 范仲淹 歐陽修 楊

時 羅從彥 李侗 呂祖謙 蔡沈 陳淳 魏

了翁 王栢 趙復 許謙 吳澄 胡居仁 王

守仁 羅欽順

西廡從祀先賢 林放 宓不齊 公冶長 公皙哀

高柴 樊須 商澤 巫馬施 顏幸 曹卹 公

孫龍 秦商 顏高 壤駟赤 石作蜀 后處  
公夏首 奚容蒧 顏祖 句井疆 秦祖 縣成  
公祖句茲 燕伋 樂欬 狄黑 孔忠 公西  
蒧 顏之僕 施之常 申棖 左邱明 秦冉  
牧皮 公都子 公孫丑 張載 程頤  
西廡從祀先儒 穀梁赤 高堂生 孔安國 鄭康  
成 毛萇 范甯 韓愈 胡瑗 司馬光 尹焞  
胡安國 張栻 陸九淵 黃幹 真德秀 何  
基 陳澔 金履祥 許衡 薛瑄 陳獻章 蔡  
清 陸隴其

崇聖祠內祀 肇聖王木金父公正中南向 裕聖王  
祈父公東一室南向 貽聖王防叔公西一室南向  
昌聖王伯夏公東二室南向 啟聖王叔梁公西二  
室南向

配祀先賢 顏氏無繇 孔氏鯉 俱東配 曾氏點 孟

孫氏激 俱西配

東廡從祀先儒 周氏輔成 程氏珦 蔡氏元定  
西廡從祀先儒 張氏廸 朱氏松年

以上位次俱由

欽定凡祭

先師則先期行禮不用樂

名宦祠祀 宋許國公文靖呂夷簡 觀文殿學士元

獻晏殊 魏國公忠獻韓琦 乾州刺史張綸 資

政殿學士文正范仲淹 鄭國公富弼 江淮制置

發運使胡令儀 御史中丞孔道輔 參知政事清

獻趙抃 諫議大夫曾致堯 鄂王忠武岳飛 信

國公文天祥 明左僉都御史袁繼咸 泰州知州

成樂 王臣 李裕 崔國裕 黎堯勳 李學旻

泰州同知王思旻 泰州學正王傅 泰州訓導

簡籍

國朝總督傅臘塔 刑部尙書王士正 左副都御史

郎亮五 巡撫趙福星 學政張泰交 余正健

邵嗣堯 張容端 按察司副使李培真 兵備道

周亮工 泰州知州趙汲 施世綸

鄉賢祠祀 明處士王良 深州學正王棟 處士王

襲

祭器 銅簋一 銅簋一 銅劔一 犧尊一 象尊

一 銅壘一 銅勺一 銅爵十五 嘉慶二十一年

生姚懋才續 簋一百八 豆一百八 筐八 銅鼎

一 銅燭臺二 祝版一

樂器 黃麾旛二注於干有跗 應鼓一有跗 鼗鼓

一有跗 龍笛二 銅簫二 搏拊鼓一 祝一

敵一 編鐘十六枚合一簾 編磬十六枚合一簾

鳳笙二 鳳簫二 琴一有几 瑟一有几 篪

一 塤一 管二

舞器 黃錦旌二注於干有跗 翟十六 籥十六

書籍碑版

欽頒卧碑一通

聖諭廣訓十六條

御製先師贊先賢顏曾思孟四子贊

御製兩金川碑十册

御製改教詩四函

御製文廟碑十册

御製訓飭士子碑文十函 聚珍板書一部 禮部則例三部

御製文二集二函十二册 又一函十二册

科場條例一部 又新例一部 又新例一部

臨雍御論二篇二册 國子監則例一本 佩文詩韻四部

大清會典一部

欽定子史精華 缺九十一至九十五卷

欽定四庫全書考證 缺經部二 十二卷

學額 廩膳生十名 三年增廣生十名 附學生無數

每逢歲科兩試額取入十名 舊有商籍童生乾隆十四年裁汰凡商童生

員改歸民籍

乾隆四十三年奉

旨廣額一名四十六年廣額一名四十九年廣額二名嘉慶元

年奉

旨廣額二名二年廣額三名六年廣額三名 武童歲科并

試額取六名

先是分縣文童取進十二名武童取進七名乾隆三

十四年江蘇學政景福奏此次歲試揚州府屬據泰

州送考文童四百九十餘名東臺縣文童止一百六

十餘名泰州武童四十餘名東臺縣武童僅十三名

多寡懸殊若照原議取進未免不均請將泰州文童

取進十五名東臺文童取進十名泰州武童取進九

名東臺武童取進六名經部覆奉

旨依議

按商竈籍明萬历年間實由運司送考揚郡商籍額

取十四名竈籍額取六名共二十名附揚州府學

國朝順治十六年禮科雷一龍請裁各省衛學商學經

撫按漕三院會題揚州商竈籍附入郡學亦無官俸

廩糧與科議歸併州縣之議相符部覆准行乾隆四十四年三月大學士阿桂等會議各省商籍查明人數多寡酌減入學名額編爲鹵字號取中復經江蘇巡撫楊魁查鄉試報考人數不敷另編字號奏請併入民籍取中禮部議奏

國家恤商恩例自當按人數多寡設額今江淮商籍生童扣除不合例者應考祇有一人是商之親子弟侄并無讀書應考之人已可概見入學舊額應行裁汰其有情願改歸本籍者准其呈明改歸本省鄉試廩增照例改爲候廩候增與本籍考案新舊補照原食餼年分出貢其實有田廬墳墓在江南與人籍之例相符者准其呈明於居住之州縣入籍竈籍原與各該州縣土著無異應歸於各該州縣民籍考試以後如果人文日盛不妨再請設額奉

旨允行嘉慶二十一年奉

旨通查商竈籍議覆現在核辦

學田 由泰州分隸泰州東臺兩學公同經理學田田畝住址額收租籽額解司庫銀數 一泰州蓮花池四百七十二畝內於康熙三十七年丈勘實田四百四十五畝每年徵收夏租小麥六十六石六十五升

大麥四石秋租稻一千八十三秤二十三斤黃豆一石二斗 一泰州南山寺城腳園田七十二畝每畝徵租銀二錢 一泰州泮池東園田四畝二分每畝徵租銀二錢 一東臺蔡家堡秧田一百畝每畝徵租銀五分 一泰州淤溪鎮旱田三十二畝每畝徵租銀五分 一泰州楊家莊旱田十一畝四分三釐 每畝徵租銀五分 一泰州姜堰鎮旱田五十一畝 每畝徵租銀一錢五分 一泰州朱宣梁旱田五十五畝每畝徵租銀五分 一東臺西溪鎮園田十七畝每畝徵租銀五分 一東臺雁蕩莊秧田二十畝 每畝徵租銀五分

以上共田十宗在泰州 一苗原辦條銀八兩一錢六分漕米七石三斗二升五合每年額解司庫銀一百二十九兩一錢一分一釐耗銀十二兩九錢一分一釐

續捐學田於乾隆四十二四十四等年詳准開冊移送

支廟以作歲修開支動用 一李四裕捐耕茶場李家堡 竈地荒熟田三十二畝每年納鹽平銀六兩四錢扣納折價銀七錢 一張于竹捐李家港荒田十畝每

年納租錢一千二百。一程大恕捐承典三王莊田  
畝贖回另買光孝莊熟田八十畝每年租稻一百二  
十秤完地丁銀一兩四分三釐漕米一石三斗四升  
三合

鄉場卷燭田產 一盧芳有捐耕茶場荒熟田一業每  
年租錢十六千 一仇世臣捐何梁場上官亭草蕩  
每年租錢十千

晏溪書院 在縣治西南西溪鎮與南風亭相對宋晏  
元獻公殊讀書處也遺跡久廢無存

泰東書院 在縣治西門內明萬曆十八年分運周公  
汝登特建延東臺葛雷何梁朱緯爲會長偕各場好  
修之士講學其中四十七年巡鹽御史龍公遇奇增  
式廓焉 國朝康熙五十七年分司丁世隆重修今  
廢

分運丁世隆重修泰東書院碑記曰泰東書院者明  
分運周君汝登所建也東臺居中十場之首隸於泰  
因無學故周君起而建之奉

命分運

至聖

茲土顧瞻書院已大半棄諸蓁莽中殿無完楹廡無  
完瓦茂草披迷溢於周道雖祀事尚仍其舊而所謂  
講貫肄業者已邈不可得地與人之荒穢弗治也久  
矣東臺於兩淮海濱之極區也地爲鹵民竈雜居秀  
頑雜出唯是名山大川勝蹟芳蹤概乎未有以故清  
淑之氣蓄而未洩而文學者每遜於他郡雖范文正  
胡文定後先興起而流風餘韻又不免日久而衰而  
幸有周君倡爲書院俾謁

聖有所講學有方而今又敗壞而不葺然則明倫致道之所係不幾夏憂歎蓋嘗論人無智愚唯教之從今之人動以敦詩說禮稱鄒魯矣見其賓賓焉雍雍焉人道德而家禮義夫孰知術序黨塾之地修明切究以相與漸摩陶淑者深也予之來此猶幸書院之未盡廢也爰捐俸重葺鳩工庀材門殿堂寢制凡若干楹仍其舊者十之一合約財費千金經始於丙申秋八月越四月而告成嗟乎泰東之人昔之日亦有以科甲名世者矣今數十年來賢書南宮之產闕然無聞豈真氣運使然不可挽歟或亦書院之廢而不舉爲之歟余故述其廢墜之迹本其山川風俗之繇及教化鼓勵之效而願與泰東之人羣焉肅將其中爭白琢磨砥文礪行而使光氣熊熊上衝牛斗也夫興廢舉墜以樂育人材司土之責也爰記以示其後焉

### 南沙書院

在縣治東南栢茶場先是明大使周鑛設

### 社學於五賢祠

國朝乾隆十年大使姚德璘改設

於場署西范公堤舊址遂有今名五十九年大使沈

### 鈞重修

### 西溪書院

在縣治東南五鋪先是縣治書院久廢乾

隆三十四年知縣王玉成假慈濟寺西樓爲講堂學

舍捐養廉銀延荆溪王浩課生徒尋去事遂止嘉慶

七年知縣徐崇炯循其舊延如皋吳文祥主之十年

冬水災監賑官知江陰縣事師承祖倡義勸捐邑人

蘇林蘇榕遵其父學遺命出白金千有一百購韋姓

屋二十四間地址十八畝建爲書院以西溪名之

十六年蘇榕姜德新捐銀二百兩置椅案六十副

二十一年知縣周右分司單壯圖議定月課章程因

書院未有膏火經費生童不能住院至於應課亦屬  
寥寥今定以每年二月開館十一月終散館每月初  
二日官課在公署知縣分司輪流主之榜發其名列  
優等及上取者酌送獎賞銀有差十六日爲師課在  
書院山長主之

江寧布政使康公墓田西溪書院碑記曰東臺爲海  
陵分縣乙丑秋大水民人蕩析離居流徙過半邑人  
蘇林蘇榕捐多金以贖其鄉人之困於水者既又以  
邑自析置後書院規制未備諸生講學無所其故父  
蘇學會議建置學舍宗仰范文正公監西溪遺風取  
名西溪經營久之欲成其事而未及行遺命繼成之  
林榕遵命解囊慨助千金邑之紳士集腋襄成啓館  
有日矣余嘉蘇氏昆仲能繼事完其孝思予區以表  
其心夫孝廣矣大矣善所事終身行之達於天地一  
事一節之偶合於義奚足概其生平然人一念之善

久而自發其光若有掖之使行者通於神明也由是  
擴而充之始於事親終於立身廣教化美風俗又非  
特一身一家之事矣今之篤於粉榆恤災患以助所  
不及即擴充之一端也書此以勸其行 前訓導吏  
部員外郎吳昌齡碑記略曰東邑爲吳陵分壤壇壝  
學校秩然皆備惟書院未之創邑侯徐公崇炯延師  
課士以不獲經費造舍假館寺宇者數載國子生蘇  
君學天性醇厚篤桑梓誼遇歲饑輒捐金煮賑全活  
甚衆病革時屬其子林榕祀日書院之舉吾欲倡捐  
久矣惜時不我子爾等宜續圖之嘉慶乙丑秋江陰  
帥明府承祖以監賑分循東邑公暇與徐侯集紳士  
以籌建書院林等恪守遺命請諸當事輸白金千有  
一百購舍宇闢基成其事名曰西溪書院取晏丞相  
范文正講學西溪之遺意康方伯已作記立石嘉予  
之俾勿朽矣余寧有言獨念地域之勝由於人文人  
文之勝由於學業雖僻壤遐陬荒山遠澁人物苟得  
所造就皆可振采負聲以鳴  
國家之盛故潮州蠻鄉自昌黎倡學後人文遂蔚然代  
起矧東邑居長淮以南大海以東鹽筴之利甲州郡  
形勝之靈秀物產之英華其鍾於人者當更磊落秀

發不可羈繼茲會遇徐侯提唱宗風蘇君獨成盛舉  
豈非斯邦之幸歟然余爲東邑幸更爲蘇君幸夫宇  
宙有志之士出則膏澤斯民勲業當代處則敦篤行  
誼垂賚鄉里二者事異而功則同然有志焉而力或  
不逮力逮矣而後嗣子孫或不能相其力而成其志  
則未如何耳蘇君非席祖父之厚業辛苦勞積竟獲  
遺多金以遂其樂善之願又得克肖之子肫肫然承  
父志脫手千金而無所吝惜所謂有志竟成者乎入  
或謂其父難其子不難噫吾見素封子弟貪嗇者無  
論已聞有輕財好義無過慕任俠之風以恣其揮霍  
而於賑恤濟施之實念毫無所關林等以乙丙兩歲  
縣境被水叠災又相繼捐千金助難承志可謂箕裘  
之承肖者矣余可鐸斯邦十有八年得與都人士昕  
夕論文累科鄉舉不乏其人而士之肆力舉業者文  
境皆駸駸日上自此得所棲止以時肄業得以鼓吹  
休明騰達

**皇路**

或亦蘇君倡捐之意所由勸歟時以上游保薦赴都  
臨行爲是記并記厚望云

書院田 一徐彭年捐徐家汊田十二畝 一劉青標

捐下家莊秧田十畝 一金華捐冷家厓灰埭 一

徐仁榮捐練家竈等處盤鐵灰埭每年租價鹽平銀

三十二兩每年納正額折價銀十兩八錢九釐 一

周兆鉅捐萬家舍荒田十畝每年納租錢一千二百

文 一周楚珩捐華譚莊熟田五畝每年納租十秤

應納地丁銀九分三釐漕米一斗二升 一嘉慶十

二年二月職員繆桂捐柃茶場河北坊雷公壩河南

園田六畝每年租錢六千文 一十七年州同楊賡

堂監生楊維新捐水陸秧田九十八畝計田一垓二

十六坵價二千千每年夏租六十千秋租九十千

一十七年監生朱勝彭嚴忠良捐熟墩莊水陸熟田一百五十八畝每年夏租大麥十六石秋租稻六十石  
一十八年監生蔣宏構捐何梁新團熟田二十一畝每年租錢五千  
一十八年監生蘇榕續捐書院東園田一坵連前地租共十九千  
一二十年丁大嵐捐富安場丁家莊永富團葛家坵西熟田六十畝計田二段東一段二十匹畝西一段三十六畝  
每年租錢十六千  
一焦錦章捐丁溪熟田十七畝

院長題名

王浩 荆溪縣人諸生

吳文祥 如皋縣人乾隆乙卯舉人

按鹽法志書院自宋元以來其主講或命於朝或倅於行省謂之山長乾隆三十年十一月欽奉純皇帝諭旨定稱院長凡在省會例當開奏下此所司以達於大吏用朱彝尊洞霄宮題名之例列次其人

社學 一在縣治西南明宏治三年分司徐鵬舉建今

圮

徐鵬舉社學訓詞曰為民者父慈而教子孝而箴兄愛而友弟敬而順夫和而義妻柔而正姑慈而從婦聽而婉為臣而忠交友而信男女有別子弟有學言必忠信行必篤敬心術必正威儀順則衣服遵制飲食有節德業相勸過失相規貧窮患難相救婚姻死喪相助母聽婦人言母爭競長短母酣飲酒母鬪狠賭博母用僧道母惰農業母欠糧課母學私販母尚奢侈母肆姦淫母作盜賊母好訟事母倚尊凌卑母以幼犯長母以惡凌善母以富吞貧行者讓路耕者讓畔則禮義攸臻刑憲不犯身家常保矣

高宗

一在縣治西舊泰東書院右明萬曆十八年分司周

汝登建後圯 國朝康熙乾隆間兩修 嘉慶二年

運判巴彥岱倡修 十七年邑人姜本德等修 二

十一年邑人姜本德等重修

河南學政汪士鋐重修東臺場社學碑記曰周禮三物之教自鄉而興育德茂材至為該備自宋以來惟國建學旁及郡邑其舉於鄉隅者益寡東臺轄於秦州而地廣人稠才俊所集特立

文廟創於明萬曆間修於本朝康熙丙申距今乾隆壬申幾四十年風雨摧蝕木腐垣頽郡丞分運兩陳公合謀興復乃令場使張君典其事經始夏仲閱三月竣工余任海陵來遊東臺瞻拜宇下宮牆煥新啓聖祠明倫堂莫不具舉因嘉歎蒞斯土者之留心樂育可預期人才日盛治化彌降為低徊者久之場使張君余戊午分校京兆所得士也以文字相知之雅請余作記勒碑以告來者郡丞陳公景淳號省齋秀水

縣鄉進士揚州府東臺水利同知分運陳公名克鏞號仁齋海鹽縣鄉進士泰州分司鹽運判場使張君名永貴號羽廷奉天正白旗舉人揀選知縣管東臺場事其督工捐輸士商氏名例載碑陰茲不具書系之以詩曰東臺廟學先民所作英俊翔雲賢豪薦鶻有其舉之繼繩以恪修廢及時衆情踴躍兩公協謀輝煌花萼委寄得人力前勿卻僉仰張君比絲受絡肇定規模爰塗丹雘頽還舊觀弗侈弗略濟濟羣才式歌且喆化洽菁莪行仲尺蠖士氣軒揚蘊深磅礴仰止巽宮傾忱木鐸視此刻文尙其厲錫

一在何梁場明宏治二年分司徐鵬舉建 嘉靖五

年副使謝相修 國朝乾隆十七年大使舒應龍修

五十八年大使陳公衡捐養廉銀邑人繆壽金瑄董

事修建 嘉慶二十一年邑人金撰等重修

海陽汪永聰重修何梁場社學碑記曰昌黎有言自天子至郡邑守長通得祀而徧天下者惟社稷與孔

子爲然故今自京師首善地而省會而郡邑莫不建學奉

**至**

聖先師唯謹其舉於鄉隅者則自前明洪武十八年詔天下場鎮各立社學始此何梁場文廟之所由來也

蓋當

國家有文士之游於學者口盛雖盡隸郡邑學其中散處鄉隅遠者百里近者四五十里釋菜講學或不能盡赴誠不若鄉隅分建俾得以時習禮其閒而各盡其誠敬也雖然下令之初建者不一處處久漸就廢弛而何梁一隅地獨敬守勿替詎非蒞斯土者之加意養育而此邦人士崇師重道致有足嘉乎按場志廟初在場東

國朝順治丁亥始移今址時因初創規制未宏雍正乙卯攝場篆胡公作肅欲恢而大之捐俸倡修厥功未竟繼任王公克任踵而成焉顧瀕海潮潤不二十年牆歎木燹傾圯堪虞場使舒公謁廟之餘進諸士商而諭之曰是豈所以妥聖靈而嚴祀事乎是余責也當力任之請於水利分司兩陳公成加獎勵於是諸士商聚而言曰吾儕皆官牆中人也豈惟公責也且公清俸所入幾何獨以累公踴躍捐輸各視其力

庀材鳩工綽有餘裕經始於乾隆癸酉二月閱九月工竣輪如奐如一改舊觀余適游茲地樂觀厥成歎諸公之加意養育不愧前人而諸士商之崇師道涵濡有自將千古如一日也垂示方來俾知保身曷可無記舒公以見屬且告余曰始事之難前賢之功蓋未可沒也東園之廟創於明宏治二年拓於宏治十三年嘉靖萬厯年間代有工作主其事者爲分司徐公鵬舉巡鹽史公載德副使謝公相分司周公汝登廟故未有碑請據志而悉登之余於是又歎舒公之仰企前徽不遺人善如此他若公之潔已奉公惠商恤竈仰承兩陳公德意爲斯場普無窮利者不具書水利陳公名景淳號省齋浙江秀水縣鄉進士分司陳公名克鉉號仁齋浙江海鹽縣鄉進士場使舒公名應龍號協飛直隸任邱縣鄉進士諸捐輸姓氏例得備書碑陰是爲記

一在丁溪場明宏治年分司徐鵬舉建萬厯十八年  
分司周汝登增建 一在草堰場明嘉靖年重葺萬

歷十八年分司周汝登擴之四十七年巡鹽御史龍

遇奇修今存後堂三楹 一在舊小海場明嘉靖四

年大使田彥真重建尋圯萬歷中分司周汝登增置

屋宇今廢

小海大使林正青社學議曰鹽場之有社學自明宏治二年判官徐鵬舉分治十場場置一學選賢良方正者一人充教讀又自為經訓一編以諭之其制中為講堂左右為翼舍後為懋堂室旁為庖前為外門而繚之以周垣越十二年御史史載德又補缺興墜運使畢亨規定其教事小海社學七楹嘉靖乙酉大使田彥真重建圯廢後分司周公汝登建大門一楹正堂三楹後堂三楹又後廂房三楹址南北二十二弓東西十弓年久復廢雍正七年草堰大使曹辰宗即其故址改作文廟後為明倫堂雖名不立然有聖人以爲之師不啻射者之示人以鵠也人倫明於小民親於下庠序學校皆所以明人倫也豈必區

區立社之名始爲有學哉乙卯春予方受事小海仰觀殿角肅然起敬遊歷明倫堂及講堂二處又俯然以思二場士子孰非盛世秀民乃上不能致君澤民垂功名於竹帛次不能砥躬礪行樹坊表於里閭因循委靡風俗日薄人才不振是誰之過也夫有堂有室何以不絃誦有成人有小子何以師道不立有社田累陌連阡何以不隆俎豆不佐膏火而飽私家之囊橐夫風俗當極壞之餘有其振之不患不歸於厚人才卽寥落之日有其倡之不患勢處其孤取前人已成之基業一經釐飭耳目爲之改觀本斯人固有之天良一經提撕靈府爲之復舊若謂凡人不可以爲堯舜海濱不可以爲鄒魯未敢以爲信也時署草堰李君植與予同心毅然以爲當行適協丈丁溪草蕩囑余先定其規模昔昌黎公蒞潮慮潮人不知學舉邑人趙德爲之師而文風丕變今尙未得其人如趙德者而弟子不可一日無師先檄行二場報名入冊擇吉入學子與李君植主師席每月朔望俱詣講堂出入進退儀注一定可以觀禮先一日訂講章一條筆記數則端寫揭之堂壁本日令諸生聲音洪亮者莊誦一遍共相講解如有問難不妨前詢果能教

學相長益見化澤旁流逢十則課文藝定其甲乙黏  
 之壁開立賞格以鼓舞之諸生有日夕在學肄業者  
 量給燈火之資又舉長學二人凡祭祀講學租石收  
 支一應事務皆由提調俟訪得人品端方學問優長  
 者聘入師席則予與李君退居主位然此其大略也  
 至於流品既清學行既正則謹人禽之分清義利之  
 界密存養省察之功由濂洛關閩以至於洙泗尚有  
 上達一層憶予昔時侍儀封張清恪公伯行鼇峰講  
 席預聞其說尚能為諸生誦之此時未遑遽也爾諸  
 生年富力強具有用之聰明果潛心於修己治人之  
 道則達為盛世之名臣窮亦為里黨之善士深為二  
 場厚望之也且士為四民之首風俗之轉移係焉慈  
 孝友恭足為民法將與仁興讓不約而同 一在梁  
 唐虞三代之風予兩人將樂觀厥成也

梁場明嘉靖七年大使王舉副使李隆重建萬曆二  
 十六年分司周汝登擴而葺之四十七年巡鹽御史  
 龍遇奇重建 國朝乾隆年修 一在安豐場明萬

曆十七年分司周汝登重建巡鹽御史龍遇奇

廢 一在富安場明嘉靖六年竈民吳大成捐地公

建萬曆十七年分司周汝登增置屋宇今廢 一在

角斜場鹽課司西明天啓五年分司徐光國准本場

士民之請祀范張胡三賢於敷教堂中 國朝乾隆

五十四年場大使王寶階移置富家灘延師課讀原

設社田五十畝新增商人汪瑤圃捐田二十二畝邑

人湯玉澄捐田四十畝 一在楸茶場鹽課司側明

嘉靖二十四年大使周鑛祀周程張朱五氏於中曰

五賢堂萬曆十八年分司周汝登葺而新之增建敷

東臺縣志 卷之十一  
教堂天啓五年本場士民請祀范張胡三賢於敷教堂

義學 在梁梁場新橋巷內嘉慶十三年邑人程兆楊建塾師束修暨生徒紙筆費每年計捐二百金

按書院社學義學皆黨塾之遺存廢不一悉錄場志附於簡末以見昔之官斯土者願多士爭白琢磨永保勿替常思所以振興而鼓舞之也

社田 一縣治東社學水田六十畝在十里舖河南西社學水田三十畝旱田八畝俱在南門外皆分運周汝登置自後鹽御史龍遇奇新增水田五十畝旱田

七畝在郭家堡對河 一何梁場凡三段共田五十三畝七分又五十四畝乾隆四十五年生員姚炎同從子玉鳴捐置 一丁溪場九十七畝陸田一段在

場南水田一段在場西南年久荒蕪無人執業興化縣里長代輸國課 一草堰場一百九十三畝坐落

場西北水陸共二段 一舊小海場共三坵一段二百畝三分坐落袁家竹院又二段共二十畝坐落南橋西 一舊白駒場一百三十畝 一梁梁場旱田

四十五畝坐落元明觀後水田一百畝坐落康家灣按鹽法志場冊載梁梁社田本一百七十四畝舊志止載一百四十五畝失載二十九畝又隄東天鵝草

蕩田四百畝係六十總竈生監公捐入社學以供春秋丁祀相沿已久舊志亦未載

一安豐場水田二坵其一坐落西寺後計四十八畝其一坐

落關河口計三十六畝旱田十八畝坐落梅家河東

一富安場五十二畝在月塘灣南止范公隄北止官

路東止朱界西止周界分運周汝登置又十畝在西

場小西湖四面俱止河明萬曆四十七年鹽院龍遇

奇置一角斜場計二區共五十畝其一二十畝在

官河南東止官河西止吳界南止舊河北止官河其

三十畝在舊河南東西止潘界南止吳界北止舊河

又社田六十二畝商人汪瑤圖竈戶湯穎川公捐

一耕茶場凡三一在場東北繆家堡一在場西北許

零前一在場通濟坊街南按鹽法志社田五十畝

社店 一縣治東學店五間在分司前西學店八間在

東學前一何梁場計四間在東臺大街按鹽法志社房五楹

一丁溪場三間在崇真觀西分司周汝登建 一富

安場四間在司東米市分運周汝登置歲納房租二

兩五錢按鹽法志社房四楹 一角斜場店三間房七間俱在

東臺場分司西街南市口

以上采中十場志而與鹽法志有異同者亦錄之  
今各場社學久廢其田租為士子鄉試卷燭費居

多惟存餼羊之名而已

古者教化之行觀乎庠序今縣邑學宮創制備  
其闕者亟謀次第修舉而祭器樂器庫首重焉至  
經籍存貯所以資諸生誦讀也尊經閣敬一亭暨  
齋舍皆未建藏庋無所講習無地所賴乎邑人之  
興斯舉者可少緩哉

